

瑜伽師地論義演卷第三十四

覺山明教院沙門

釋述

論卷第八十二 攝釋分之下

論聽者至無倒聽聞 演日十二聽文中分二初標

舉後徵釋此初也 論云何安處 演日後徵釋文

中分二初徵後釋此初也 論謂或由一因或乃至

十 演日後釋分二初揔標舉數後依標別釋此初

也 論一因至安樂故 演日後依標別釋文中分

十一明一因乃至十明十因初中分二初標後釋此

初也 論此中至法受中已說 演日後釋或有利

益非安樂等四句者一現在利益當來非安樂如現在樂順益貪心名爲利益當來受惡道苦名非安樂二現在非安樂當來利益如現在苦行求無上道名非安樂當來感果入聖超凡名爲利益三現在利益當來安樂如現在修菩薩行所獲功德名爲利益當來感果證大菩提名爲安樂四現在非利益當來非安樂如現在貧苦不修善道名非利益當來復受三惡道苦名非安樂如菩薩地法受中說或有法受現在受樂於當來世受苦異熟或有法受現在受苦於當來世受樂異熟或有法受現在受樂於當來世受

樂異熟或有法受現在受苦於當來世受苦異熟

論二因至一切法故 演曰二明二因文中分二初

標後釋此初也 論善建立者至有勝果故 演曰

後釋分二初順釋後反成此初也 論若不念者至

應無有果 演曰後反成 論三因至涅槃因故

演曰三明三因文中分二初別解三事後摠結釋成

此初也 論如是三事至聽聞方得 演曰後摠結

瑜伽師地論義演卷第三十四 第二張

素字三

釋成 論四因至速證涅槃 演曰四明四因由此

受捨善惡因者謂受善捨惡因故 論五因至所說

正法 演曰五明五因文中分二初標後釋此初也
論有因緣至當廣分別 演曰後釋文中分二初釋
五因功能後顯三慧清淨初中分二初番釋後番釋
此初也有因緣者謂有緣起制立一切所學處故有
出離者謂有犯已制立如法還出離故有依趣者謂
由四依制立超越一切惡戒諸毀犯故有勇猛者制
立遠離受用欲樂自苦行邊隨順士用令成就故有
神變者謂由三種所現神變爲令獲得速疾神通無
閒制立正教授故 論復有五因至甚深句義 演
曰後番釋 論諸佛世尊至修所成慧 演曰後顯

三慧清淨 論六因至內證所知 演曰六明六因
論七因至尊卑差別 演曰七明七因謂我當修集
七種正法者九十七云二聞所成作意所緣故二思所
成及修所成作意所緣故三即此三種作意加行時
差別故四於受用財遍受用財善通達故五受用財
法於時時閒從他得故六於究竟時內離上慢無失
壞故七亦於他所離增上慢無失壞故如彼廣說
論八因至後樂果故 演曰八明八因 論九因至
逼迫事故 演曰九明九因文中分二初標後釋此
初也 論一能出生至是故先說 演曰後釋棄捨

七財貧等者謂棄捨七聖財即貧建立十聖財即富也論十因至等持等至演曰十明十因廣大甚深者即真如也相似甚深者即二空也由證真如以空爲門故名相似諸緣起法者謂真如理及二空門皆由因緣法顯故論云因緣所生法我說即是空能斷五法者斷五蓋也能修七法者修七覺也所有集法皆成滅法者煩惱業等名爲集法由聽法故斷之成滅遠塵離垢等者法忍永離煩惱名爲遠塵法智永斷障垢故云離垢無漏智起離於邪妄見法真性

名生王法眼 論讚佛略廣至一略二廣 演曰十

三讚佛略廣文中分二初揔標舉數後依標別釋此

初也 論略讚佛者至五者威德 演曰後依標別

釋文中分二初略後廣初中分二初讚佛五相後讚

佛六德初中分二初揔標列後別牒釋此初也 論

妙色至十隨好 演曰後別牒釋文中分五一妙色

二靜寂三勝智四正行五威德此初也 論靜寂至

煩惱習氣 演曰二靜寂 論勝智至無礙無著

演曰三勝智 論正行至正行圓滿 演曰四正行

論威德至神通遊戲 演曰五威德 論復有六種

略讚如來

演曰後讚佛六德文中分二初揔標後

別釋此初也

論謂功德至攝決擇分

演曰後別

釋離垢染者離纏垢也無濁穢者離隨眠也

論廣

讚佛者至德無量故

演曰後廣文中分二初標後

釋此初也

論能施光明至戒者宿故

演曰後釋

文分十四一讚六德二讚四德三讚五德四讚六德

五讚七德六讚八德七讚十一德八讚十号九讚二

十二德十讚漏盡德十一讚六德十二讚知法人德

十三讚九德十四讚八德此初也具三眼者肉天慧

三也

論如是兩足至難得珍寶

演曰二讚四德

兩足中尊者佛於三足多足無足一切中尊今云兩足尊於三類中兩足爲貴能入道故謂人天類佛亦兩足故言兩足尊 論如是爲哀至常悲愍者 演

瑜伽師地論義演卷第三十四第四引

素字号

曰三讚五德

論如是爲眼至皆依於義 演曰四

讚六德

論如是能證至是引道者 演曰五讚七

德

論如是人中至所不凍故 演曰六讚八德

論如是是無至薩迦耶故

演曰七讚十二德三寂

靜者謂身語意三寂靜也

論如是如來至是薄伽

梵

演曰八讚十号一如來二應三正等覺四明行

圓滿五善逝六世間解七無上丈夫調御士八天人
師九佛十薄伽梵如八十三釋 論如是白法至大
常住者 演曰九讚二十二德愛水難超可同深漸
今已超過名度深漸也 論如是至盡諸有結 演
曰十讚漏盡德 論如是至最上丈夫 演曰十一
讚六德永斷五支者支者分也謂五下分五上分皆
已永斷也成就六支者一安住淨戒支二善守律儀
支三軌則圓滿支四所行圓滿支五見罪怖畏支六
受學學處支如前二十二論廣釋乃至者超越之詞
若次六支下應說守護四所依止心善解脫慧善解

脫純善積集衆德而能尅證最上丈夫 論如是至

有尊卑者 演曰十二讚知法人德 論如是至是

衆生尊 演曰十三讚九德文中分二初標後釋此

初也 論此中離垢至故名勝觀 演曰後釋 論

如是至微妙智者 演曰十四讚八德文中分二初

揔標列後別牒釋此初也 論此中大悲至平等轉

故 演曰後別牒釋 論復次此中至大師功德

演曰十四學勝利文中分二初略釋經體以明勝利

後廣釋經體以明勝利初中分二初明五分法後明

五勝利初中分三一法二喻三合初中分二初釋後

結此初也此中有五一諸說法師應於如是安立釋

瑜伽師地論義演卷第三十四 第五 張 素字号

經法相先當尋求若文若義次復爲他轉法等五釋
宣說正法二應安立自身說善法等十種圓滿三自
安立已應起如是品類言說處五大衆說可喜樂等
八種言詞爲衆說法四安處聽衆令住恭敬無倒聽
聞五應先讚大師功德 論若有具足至說正法者
演曰後結 論當知猶如五分音樂 演曰二喻五
分音樂者即宮商角徵羽也 論能令自他生大喜
樂 演曰三合 論又能引發至五種勝利 演曰

後明五勝利文中分二初揔標舉數後依標別釋此
初也 論一於佛言至無量功德 演曰後依標別
釋由前五分說正法故獲斯五利一由推尋文義轉
五種釋故於佛言義解了不難二由說法者善法義
等十種圓滿故能善圓滿說諸法相三由處大衆說
可喜樂等八種言詞爲衆說法故能善起發自他相
續廣大歡喜四由安處聽衆令住恭敬無倒聽聞故
能引出離乃至天上人中稱譽遍滿五由讚大師即
是讚佛略廣故能生起無量功德 論復次如經至
文義爲體 演曰後廣釋經體以明勝利文中分二

初揔標舉後別牒釋此初也 論文者至修學勝利
演曰後別牒釋文中分二初釋文後釋義初中分二
初釋學勝利後例釋餘三初中分三一標二釋三結
此初也 論此中有十至則攝於語 演曰二釋此
中有十二字者汝等苾芻至修學勝利是十二字四
名者汝等苾芻是一名應當安住是第二名修學是
第三名勝利是第四名一句者即此十二字四名都
成一句則攝六文中第一名第二句第三字此中言
說是學處相則攝第五行相如來言說本爲苾芻請

問則攝第六攝請如來所說言音則攝第四語 論
是故此經一句具攝六文 演曰三結 論如是慧
爲至隨相應知 演曰後例釋餘三謂此經言慧爲
上首此中有四字一名一句如是則攝六文中名句
字身乃至如來所說言音則攝於語等言等彼解脫
堅固及念爲增上亦攝六文隨相應知 論義者
演曰後釋義文中分三一標牒其名二依標別釋三
結無過增此初也 論謂地義中至是名地義 演
曰二依標別釋文中有十一地義二相義三作意等
義四依處義五勝利義六過患義七所治義八能治

義九略義十廣義初中有三謂標釋結如文可知

論於相義中至是名相義 演曰二相義文中分三

謂標釋結學勝利者是或自相謂或是色法無有相

應共有之法故但自相慧爲上首者具二種相一唯

慧自體是慧自相二慧所依根及慧助伴同時心所

并慧所緣應云慧之所依慧之助伴慧之所緣此之

三種相從亦名爲慧是慧共相解脫堅固者謂永離

一切煩惱羶重繫縛是解脫自相念爲增上者是念

心所自相 論作意義中至是名作意義 演曰三

作意等義文中分二初明作意後例智等此初也學

瑜伽師地論義演卷第三十四第七張 素字号

勝利者非諸作意唯是顯建立作意處所謂戒學是
作意所依處所以依戒故而修作意慧爲上首者應
知即是了相作意勝解作意解脫堅固者顯示遠離
作意攝樂作意方便究竟作意方便究竟果作意念
爲增上者此顯觀察作意如前三十三釋 論由此
道理至應隨建立 演曰後例智等智謂苦等十智
等者等取六識九遍知三解脫門十智義中學勝利
者解脫及念並非十智慧爲上首者十智所攝六識
義中學勝利者及解脫堅固並非六識慧及於念意

識相應九遍知中勝利慧念非九遍知解脫堅固通
九遍知三解脫中學勝利者及慧念二非三解脫解
脫堅固三解脫攝 論依處義中 演曰四依處義
文中分三一標二釋三結此初也 論依於涅槃至
乃至慶喜 演曰二釋分三一事依處二補特伽羅
依處三時依處初中分二初正釋後通妨初中有三
一根本事依處二得方便事依處三悲愍他事依處
初中有六一者善趣二者惡趣三者邊墮四者勝進
五者生死六者涅槃此中但說第六涅槃得方便事
依處中有十二種謂十二種行一者欲行二者離行

三者善行四者不善行五者苦行六者非苦行七者
順還分行八者順進分行九者雜染行十者清淨行
十一者自義行十二者他義行此中但說第十清淨
行悲愍他事依處中有五種一者令離欲二者示現
三者教導四者讚勵五者慶喜此中但說後三問學
勝利等於根本事中何故不說勝進得方便十二行
中何故不說離行善行順進分行自義行悲愍他事
五中何故不說離欲行等 論當知此中至說清淨
行 演曰後通妨 論出家補特至應當慶喜 演
曰二補特伽羅依處前明補特伽羅依處有二十七

種今言出家等簡在家等於出家中依更根等一切
補持伽羅中辯學勝利等四句經也 論又於過去
至及讚勵 演曰三時依處 論是名依處義 演
曰三結 論勝利義中至是勝利義 演曰五勝利
義文中分三謂標釋結如文可知 論過患義中至
儲餘財物 演曰六過患義文中有二謂標及釋
論所治義中至皆是能治 演曰七所治義八能治
義二文合也有二番釋標及釋結如文易知 論於
略義中至名略廣義 演曰九略義十廣義二文合

也標及釋結如文可知 論除此更無若過增 演
日三結無過增 論復次於解釋中 演日後略於
前十四門中第二釋中文分爲二初依五義釋後依
六義釋初中分三一摠標舉二別牒釋三摠結前此
初也 論法者 演日後別牒釋文中分五一法二
等起三義四釋難五次第初中分二初牒後釋此初
也 論謂於十二至由了義故 演日後釋明學勝
利等四句經文於十二分教中是第一契經所攝又
是第三記別所收所以知者由了義故如彼經說汝
等苾芻乃至念爲增上等則記別或等得解脫果故

云又是記別也

論等起者

演曰二等起文中分

三一牒二釋三結此初也

論謂應當說至發起此

經

演曰二釋文中有四一謂應當說依止處所等

二為顯示精勤修習等三為顯示重財利者等四為

顯示四種苾芻體故此初也發起此經者發起此勝

利等四句經也

論又為顯示至清淨行者

演曰

二為顯示精勤修習等此意為顯清淨行人說學勝

利等四句經也

論及為顯示至三學勝利

演曰

三為顯示重財利者等此意為化耽著財利苾芻令

依學勝利等精進修習速得圓滿三學勝利故說此

經論又爲顯示四種苾芻體故 演曰四爲顯示
四種苾芻體故文中分四一標二列三徵四釋此初
也 論此中經言至苾芻體故 演曰二列爲令遠

瑜伽師地論義演卷第三十四 第九張 素字号

離種姓等者苾芻不應憶於種姓身形端正要須持
戒學勝利者方名苾芻及令遠離詐現等者謂有苾
芻外相詐現威儀內恒違犯戒律令遠離彼故說持
戒學勝利等名密護威儀苾芻體故爲令遠離計著
虛妄聲譽等者令遠離虛譽而求真智也勸令修習真
實等者既離虛妄勸修真實離邪正行爲苾芻體

論所以者何

演曰三徵

論若有愛樂至念為增

上 演曰四釋如文思之可解

論如是等類皆名

等起

演曰三結

論義者

演曰三義文中分二

初牒後釋此初也

論謂揔義中

演曰後釋文中

分二初明揔義後明別義初中分三一揔標二別釋

三通妨此初也

論當知此經至及正行果

演曰

二別釋文中分四一者引了義經二者分別事究竟

三者行四者果此初也此經但說正行及正行果名

了義經

論如是戒等至學之邊際

演曰二者分

別事究竟三學若滿衆行悉圓衆行雖多不過三學

故云學之邊際也 論又言如是至瑜伽所攝 演
曰三者行四種瑜伽者一信二欲三精進四方便此
四瑜伽即是行也 論又言如是至顯正行果 演
曰四者果三學是前四瑜伽果問何故先說尸羅次
明精進後顯方便耶 論此中信欲至慧等方便
演曰三通妨顯揚十三釋云此中信欲爲先故攝受
尸羅聽受法時由正勤力修習慧等要假方便 論
於別義中 演曰後明別義文中分二初標後釋此
初也 論所言學者 演曰後釋文中分七一明修
學二明勝利三明苾芻四明安住五明其慧六明解

脫七明其念初中分二初正明修學後例釋餘法初

瑜伽師地論義演卷第三十 第十張

素字号

中分二初標後釋此初也

論是勤精進至名之差

別 演日後釋分四一分別差別名二分別自體相

三訓釋言詞四義門差別此初也此中學者亦名為

習亦名為修是名之差別 論清淨身語至是學自

性 演日二分別自體相以清淨身語正命為體

論由此正行至及因果故 演日三訓釋言詞謂所

言學者由此正行尸羅及忍辱等修顯發故名之為

學又為離破戒垢故名靜寂得戒故名清涼進習於

道除滅障惱故名爲學又應如前說相等者如前說
由五種方便一由相故二由自性故三由業故四由
法故五由因果故此說由相故得名爲學乃至由因
果故得名爲學 論義門差別中 演曰四義門差

別文中分二初標後釋此初也 論自性差別至五
十學處 演曰後釋文中分五一自性差別二界差
別三時差別四位差別五補特伽羅差別此初也七
品尸羅者品者類也准四分戒說一四波羅夷法二
十三僧伽婆尸沙法三二不定法四三十尼薩耆波
逸提法五九十波逸提法六四波羅提提舍尼法七

七滅諍法已上名七品尸羅共成一百五十學處爲
戒自性言或過一百五十學處者并一百衆學戒法
爲戒自性故云或過一百五十 論界差別者至非
界所繫 演曰二界差別問何故無色行中亦有靜
慮律儀耶荅准慈恩云靜慮律儀通色無色八地故
對法第八云由無色界麤色無故略不建立色戒律
儀由此故知無色亦有靜慮律儀此從所防假名爲
色何必要藉有所依身 論時差別者至平等無異
演曰三時差別 論位差別者 演曰四位差別文

中有三一標二釋三結此初也 論謂已入正法至
心慧二位 演曰二釋 論如是等類是位差別
演曰三結 論補特伽羅差別者 演曰五補特伽
羅差別文中分三一標二釋三結此初也 論此中
意說至唯人非天 演曰二釋非無縛者謂彼經云
應當安住修學勝利故知非無縛人也 論如是等
類至伽羅差別 演曰三結 論如於學勝利至五
種差別 演曰後例釋餘法於第四義門差別中於
學勝利有自性等五種差別如是慧爲上首解脫堅
固念爲增上此之三種亦如於學勝利有自性等五

種差別 論此中勝利者 演曰二明勝利文中分

二初標後釋此初也 論是功德至名之差別 演

曰後釋分四一分別差別名二分別自體相三訓釋

言詞四義門差別此初也此中勝利者亦名功德亦

名增進亦名圓滿是名之差別 論如說當觀至是

其自性 演曰二分別自體相十種勝利如下文說

論此法能有至故名勝利 演曰三訓釋言詞又復

此法隨生等者謂種隨所生定應隨逐故名勝利又

復此法稱讚等者由持戒故稱讚所隨故名勝利

論門差別者至乃至廣說 演曰四義門差別十種

差別者即今僧精懇等十句如下文說 論此中苾
芻者 演曰三明苾芻文中分二初標後釋此初也
論是沙門至名之差別 演曰後釋分四一分別差
別名二分別自體相三訓釋言詞四義門差別此初
也此中苾芻者亦名沙門亦名捨家法趣非家等是
名之差別 論具足別解至是其自性 演曰二分
別自體相於別解脫上假立衆同分爲苾芻體 論

瑜伽師地論義演卷第三十四 第十一張 素字号

於形色至名爲苾芻 演曰三訓釋言詞 論門差
別者至是門差別 演曰四義門差別謂苾芻中有

四姓等出家不同名門差別

論此中住者

演曰

四明安住文中分二初標後釋此初也

論是俯於

時至名之差別

演曰後釋分四一分別差別名二

分別自體相三訓釋言詞四義門差別此初也此中

住者亦名俯就於時亦名精勤亦名修習是名之差

別 論此住自性至無有別法

演曰二分別自體

相 論種種威儀至此是訓詞

演曰三訓釋言詞

論門差別者至住門差別

演曰四義門差別

論

此中慧者

演曰五明其慧文中分二初標後釋此

初也

論是智見明至名之差別

演曰後釋分四

一分別差別名二分別自體相三訓釋言詞四義門
差別此初也此中慧者亦名智亦名見亦名明亦名
現觀是名之差別 論簡擇法相至爲其自性 演
曰二分別自體相 論訓詞者至故名爲慧 演曰
三訓釋言詞 論門差別者至如前分別 演曰四
義門差別如前分別者如前修學中義門差別有其
五種一自性差別二界差別三時差別四位差別五
補特伽羅差別此解慧中義門同彼亦有五種故云
如前分別下解脫及念准慧會釋更不繁敘 論此
中解脫者 演曰六明解脫文中分二初標後釋此

初也 論是永斷離至名之差別 演曰後釋分四

一分別差別名二分別自體相三訓釋言詞四義門
差別此初也此中解脫者亦名永斷亦名離繫亦名
清淨亦名滅盡亦名離欲等是名之差別 論自性
者至煩惱永斷 演曰二分別自體相 論訓詞者

瑜伽師地論義演卷第三十四

第十三張

素字号

至故名解脫 演曰三訓釋言詞梵云牟尼此云寂

默有其二義一離言故二離過故名爲寂默 論門

差別者至如前應知 演曰四義門差別如前應知

者如慧中已會釋訖 論此中念者 演曰七明其

念文中分二初標後釋此初也 論是不忘失至名
之差別 演曰後釋分三一正釋其念二例住差別
三指如前說初中分四一分別差別名二分別自體
相三訓釋言詞四義門差別此初也此中念者亦名
不忘失亦名心明記憶是名之差別 論自性者是
心所有法 演曰二分別自體相 論訓詞者至故
名為念 演曰三訓釋言詞 論門差別者至六種
隨念 演曰四義門差別法隨念等者等取僧隨念
等三 論如是如念至廣說差別 演曰二例住差
別 論又復如前至當知差別 演曰三指如前說

亦如慧中已會釋訖 論復次於釋難中 演曰四

釋難文中分二初標後釋此初也 論問住學勝利

者義何謂耶 演曰後釋文分一十三段一釋住學

勝利難二釋慧爲上首難三釋解脫堅固難四釋念

爲增上難五釋三學不次難六釋不說心學修滿難

七釋不說住慧等勝利難八釋不說住解脫上首難

九釋何名住學勝利難十釋依何或說住學勝利難

十一釋依何慧說慧爲上首難十二釋依何解脫說

住解脫堅固難十三釋依何念說念爲增上難初中

分二初難後釋此初也 論答此增語至勝功德住

演曰後釋 論問慧爲上者義何謂耶 演曰二釋

慧爲上首難文中分二初難後釋此初也 論答此

增語至慧根第一 演曰後釋 論問解脫堅固者

瑜伽師地論義演卷第三十四 第十四張 紫字号

何謂耶 演曰三釋解脫堅固難文中分二初難後

釋此初也 論答此增語至煩惱永斷 演曰後釋

論問念爲增上者義何謂耶 演曰四釋念爲增上

難文中分二初難後釋此初也 論答此增語至不

生喜足 演曰後釋 論問於餘經至非增上心

演曰五釋三學不次難文中分三一正釋二引證三

釋成初中分二初難後釋此初也 論答此中顯示

至增上心學 演曰後釋 論如世尊說至慧根之

力 演曰二引證 論今此經中至俱時而說 演

曰三釋成 論問餘經中至修習滿耶 演曰六釋

不說心學修滿難文中分二初難後釋此初也 論

答如前至道理亦尔 演曰後釋如前三學不次難

中所說此中亦尔 論問何故此中至勝利等 演

曰七釋不說住慧等勝利難文中分二初難後釋此

初也 論答於下劣至住學勝利 演曰後釋 論

問夫解脫至解脫上首 演曰八釋不說住解脫上

首難文中分二初難後釋此初也 論荅於下劣至
最爲堅固 演曰後釋 論問何等名爲住學勝利
演曰九釋何名住學勝利難文中分二初難後釋此
初也 論荅至諸學處中 演曰後釋分二初略釋
後廣釋初中分三一標二釋三結此初也 論觀十
勝利至常作常轉 演曰二釋 論如是名爲住學
勝利 演曰三結 論問攝受於僧至何義耶 演
曰後廣釋分七一釋十種勝利難二釋常守尸羅難
三釋堅守尸羅難四釋常作難五釋常轉難六釋受
學學處難七重釋常守堅守難初中分二初難後釋

此初也 論荅攝受於僧者是總句 演曰後釋分

瑜伽師地論義演卷第三十四第十五張 紫字号

二初明總句後明別句此初也 論令僧精懇至無
斷絕故 演曰後明別句文中分二初明別句即十
種勝利後略攝為三廣開為十此初也顯揚云餘是
別句此論中無下令僧精懇等與此論並同 論如
是十種至廣開為十 演曰後略攝為三廣開為十
文中分三一標二徵三釋此初也 論何等為三
演曰二徵 論一者令僧至長時隨轉 演曰三釋
分二初略攝為三後廣開為十此初也前二攝前九

種勝利第三攝前第十一種勝利 論此中由七至
及安樂住 演曰後廣開為十文中分二初標後釋
此初也 論七種隨護至長時隨轉 演曰後釋七
中第一攝前摠句七中第二攝十中第一七中第三
攝十中第二七中第四攝十中第三第四第五七中
第五攝十中第六七中第六攝十中第七七中第七
攝十中第八第九最後一句攝十中第十 論云何
常守至捨學處故 演曰二釋常守尸羅難 論云
何堅守至犯學處故 演曰三釋堅守尸羅難 論
云何常作至無穿穴故 演曰四釋常作難 論云

何常轉至復還淨故 演曰五釋常轉難 論云何
受學至諸學處故 演曰六釋受學學難 論如是
行者至不應作故 演曰七重釋常守堅守難 論
問世尊說至住學勝利 演曰十釋依何戒說住學
勝利難文中分二初難後釋此初也事善戒者五戒
名近事戒苾芻戒者出家五衆名苾芻戒近住戒者
八戒名近住戒靜慮戒等持戒者即定共戒聖所愛
戒者即道共戒 論答依苾芻戒由最勝故 演曰
後釋謂苾芻戒能生無漏尸羅故名最勝 論問世

尊說至依慧上首 演曰十一釋依何慧說慧為上
首難文中分二初難後釋此初也 論荅具依三慧
演曰後釋 論問世尊說至解脫堅固 演曰十二
釋依何解脫說住解脫堅固難文中分二初難後釋
此初也世間解脫者是假名以世俗道不能斷結不
得無為故 論荅依出世間不動解脫 演曰後釋
論問世尊說至念為增上 演曰十三釋依何念說
念為增上難文中分二初難後釋此初也 論荅就
勝為至觀察隨念 演曰後釋 論復次於次第中
演曰五次第文中分二初標後釋此初也 論先應

安住至作意思惟 演曰後釋分三一圓滿次第第二

能成次第三解釋次第初中分三一標二釋三結此

初也 論如是行者至速得成滿 演曰二釋 論

如是名為至漸圓滿故 演曰三結 論能成次第

者 演曰二能成次第文中分二初番釋後番釋初

中分三一標二釋三結此初也 論謂由住學至念

為增上 演曰二釋 論如是名為能成次第 演

曰三結 論又如是住至能成次第 演曰後番釋

論解釋次第至故名大師 演曰三解釋次第文中

分二初揔標列後別解釋此初也 論從他聽聞至

故曰聲聞

演曰後別解釋文中分三一教誡聲聞

二化導菩薩三摧滅外道初中分四一釋聲聞名二

釋外妨難三明所說法四辯其學處此初也 論問

何因緣至真實子故 演曰二釋外妨難 論此中

法者至說名句文身 演曰三明所說法 論學處

者至五毀犯聚 演曰四辯其學處五毀犯聚者亦

名五種制亦名五犯聚以須禁防稱之為制違禁起

瑜伽師地論義演卷第三十四第十七張

葉三

非名之為犯一犯含多名為犯聚一波羅夷二僧伽
婆尸沙三波逸提四波羅提提舍尼五寢吉羅如二

十八疏釋

論具憐愍者至諸無量故

演曰二化

導菩薩文中分四一明大悲普覆二明示宜理教三
明利樂差別四明解脫善證初中分二初明所覆後
明能覆初中分八一具憐愍者二具大悲者三樂義
利者四求利益者五恒悲愍者六爲令多人梵行久
住者七轉廣者八乃至爲諸天人者此初也 論具
大悲者至多苦法故 演曰二具大悲者 論樂義
利者至多樂法故 演曰三樂義利者 論求利益
者至妙善法故 演曰四求利益者 論恒悲愍者
至不善法故 演曰五恒悲愍者 論爲令多人至

等族姓說 演曰六爲令多人梵行久住者 論轉

增廣者至後增廣說 演曰七轉增廣者 論乃至

爲諸至有勢力說 演曰八乃至爲諸天人者 論

此中顯示至非唯一分 演曰後明能覆 論正善

開示至所有性故 演曰二示宜理教文中分二初

示理後宣教此初也 論宣說正法至如是正法

演曰後宣教 論如是能令至增上戒說 演曰三

明利樂差別文中分三一依增戒等明利樂二依讚

杜多等明利樂三依慧善觀察明利樂初中分二初

正明利樂後釋利樂名初中分三一利益非安樂二

安樂非利益三利益亦安樂此初也 論如是能令

至不自在行 演日二安樂非利益 論如是能令

至增上慧行 演日三利益亦安樂 論此行善故

至名為安樂 演日後釋利樂名 論復次至是名

利益 演日二讚杜多等明利樂文中分三一利益

瑜伽師地論義演卷第三十四第十八張 素字号

非安樂二安樂非利益三利益亦安樂此初也 論

若於是處至是名安樂 演日二安樂非利益 論

若處世尊至利益安樂 演日三利益亦安樂 論

又說如來至上慧學說 演日三依慧善觀察明利

樂文中分二初正明利樂後釋善觀名初中有三謂
如來於諸法中以彼彼慧善觀察者若爲利益非安
樂依增上戒學若爲安樂非利益依增上心學若爲
利益亦安樂依增上慧學 論當知此中至正覺悟
故 演曰後釋善觀名 論於彼彼至增上慧說

演曰四明解脫善證文中分二初正明解脫後釋善
證名此初也 論由二因緣至無邊法故 演曰後
釋善證名 論我尸羅蘊至如前應知 演曰三摧
滅外道正摧外道兼破小乘故論云我尸羅蘊不圓
滿者謂或於尸羅修習一分者即小乘尸羅望於大

乘名爲一分或不依止如是尸羅圓滿修習諸定地
或者即外道不依大乘尸羅圓滿修習諸定地或我
於諸法不善觀察者由二種相一者不能長夜串習
遍了知故二者顛倒非正覺悟故我於解脫不善證
得者由二種證一者不到究竟故二者非不還法故
有還法故 論我所應說至及廣分別 演曰三摠
結前謂前初廣後略旣結略所標舉及結前來廣分
別也 論復次至一切契經 演曰後依六義釋文
中分四一標二列三結四釋此初也 論一者遍知
至受彼果故 演曰二列 論由此六相至一切經

典 演曰三結 論此中事者至我生已盡 演曰
四釋 論如是等類名攝釋分 演曰三結歸本名
論卷第八十三 論攝異門分之上 演曰前名決
擇即決擇本地分中之義次名攝釋即攝釋本地分
中之文今名攝異門即攝本地分中文義二種於此
分中論有兩卷此卷在初故言之上 論如是已說
至攝異門 演曰明此分中摠分爲三一結前問後
二依問爲通三結歸本名此初也 論摠喩陀南至
略摠頌應知 演曰二依問爲通文中分二初摠後

瑜伽師地論義演卷第三十四 第十九張

素字号

別此初也。謂白品異門等宣說善法爲開悟義覺黑
品異門等宣說不善法爲開悟義覺故略摠頌白黑
二品應知也。論別唄柁南至施戒道廣說。演曰後別
文中分二初釋摠中白品後釋摠中黑品初中分二初
舉頌釋後長行釋此初頌有八門一師二第一三二慧
四四種善說等五亦有因緣等六施七戒八道。論
此中大師至隨聖教者。演曰後長行釋文中分四
一釋師等八門二釋智等十五門三釋如來等十門
四釋欲等九門初中有八一釋師二釋第一三釋二
慧四釋四種善說等五釋亦有因緣等六釋施七釋

或八釋道初中分二初明師主能化之儀後明徒衆
所修之行初中分二初明三師人法異同後辯三師
獎導不等初中分二初明三師立名不同說法有異
後明三師立名有異說法皆同初中分二初明三師
立名不同後明三師說法有異此初也 論開許制
止至教誡轉故 演曰後明三師說法有異謂大師
立教開許制止一切應作不應作故紹師傳教時時
教授襲師隨教教誡轉故 論當知即是至及隨說
者 演曰後明三師立名有異說法皆同文中分二
初明三師立名有異後明三師說法皆同此初也謂

能說即大師立聖教者傳說即紹師傳聖教者隨說

瑜伽師地論義演卷第三十四 第二十張 素字号

即襲師隨聖教者 論驅擯造作不應作故 演曰

後明三師說法皆同謂驅擯造作破犯或者不應作
故問何故前明開許等三師說法有異後辯驅擯等
三師說法皆同答前明開許等三師位次儀則有殊
所以說法有異後辯驅擯等三師呵責理既無殊所
以說法皆同 論名能獎者至應作事故 演曰後
辯三師獎導不等文中分二初明獎不等後明導不
等初中分三一明能獎二明勝獎三明至獎此初也

即大師名能獎者也 論名勝者至能開示故 演

曰二明勝獎即紹師名勝獎者也 論名至獎者至

皆能遣故 演曰三明至獎即襲師名至獎者也

論名能導者至皆能遣故 演曰後明導不等文中

分三一明能導二明勝導三明至導此初也即大師

名能導者也 論名勝導者至皆能遣故 演曰二

明勝導即紹師名勝導者也 論名至導者至名第

二伴 演曰三明至導即襲師名至導者也第二伴

者即弟子對師主名伴謂大師名主紹師名第一伴

襲師名第二伴前說紹師即是第一弟子影取襲師

即是第二弟子此說襲師名第二伴影取紹師名第一伴論顯方隅乎影說故亦離繁言生學者智故論隨轉伴故名爲善友 演曰後明從衆所修之行文中分二初明能修之人後明所修之行初中分四一明善友二明知識三明憐愍四明有恩此初也論宿昔同處至名爲知識 演曰二明知識 論父母宗親至名憐愍者 演曰三明憐愍 論若非眷屬至名有恩者 演曰四明有恩 論言義利者至俱通二品 演曰後明所修之行名信述者爲信彼

即述在心名信述也言梵行者謂八聖道支與梵爲
行故云梵行又梵行者遠離非梵行習婬欲法故云
梵行又言安住餘梵行者謂三十七菩提分法四念
住四正斷四神足五根五力七覺支八支聖道彼由
三處之所攝受謂七覺支在見道由定增勝即定覺
支爲自性餘六爲品類摠名爲定故云謂由奢摩他
故如其所應彼自性故彼品類故八支聖道在修道
以散觀察慧用強故由正見爲自性餘七爲品類摠
名爲慧故云由毗鉢舍那故如其所應彼自性故彼
品類故三四二五在七方便道由修身念爲自性餘

爲品類揔名身念故云由修身念故如其所應彼自
性故彼品類故信念二種通定慧二品故云此中信
念俱通二品 論復次即此至中下乘故 演曰二
釋第一文中分二初依第一等五名釋後依品類等
三種釋初中分三一依自義行等五義釋二依世間
善等五義釋三依欲行善等五義釋此初也謂大師
具五種異名一名第一自義行故二名尊他義行故
三名勝俱義行故四名上映蔽一切諸外道故五名
無上映蔽一切聲聞獨覺中下乘故 論復有差別
至得清淨故 演曰二依世間善等五義釋一第一

共諸世間善圓滿故二尊共諸聲聞善圓滿故三勝
共諸獨覺善圓滿故四上於煩惱障得清淨故五無
上於所知障得清淨故 論復有差別至得圓滿故
演曰三依欲行善等五義釋一第一於欲行善得圓
滿故二尊於色行善得圓滿故三勝於無色行善得
圓滿故四上超過一切三界世間善圓滿故五無上
出世間善得圓滿故 論無足有情至如百足等

瑜伽師地論義演義第三十四 第廿二張 素字号

演日後依品類等三種釋文中分二初正釋後結釋
初中分三一顯無足等中第一二顯有色等中第一

三顯有想等中第一此初也 論有色有情至非非
想處 演曰二顯有色等中第一 論有想有情至
所有生天 演曰三顯有想等中第一 論如是略
說至三種第一 演曰後結釋文中分二初結後釋
此初也顯示如來三種第一者一顯示如來於無足
等中第一二顯示如來於有色等中第一三顯示如
來於有想等中第一 論謂由蠢動至由心故 演
曰後釋蠢動者即前无足乃至多足名蠢動也由依
止故者即前有色無色由具有情依止處義故云由
依止故由心故者即前有想無想有情皆由心故然

無想者亦由無心非由於色故云由心 論復次能
得至善法攝故 演曰三釋二慧謂大師爲第一慧
爲第二故頌云二慧非二種慧名爲二慧此第二慧
有種種名如論自釋俱生慧者即生得慧加行慧者
即方便慧慧垣牆者謂界智若遍緣十八界者唯於
第六一門轉故如彼垣牆周匝遍故唯一門入下名
界智即緣界之智也慧階陞者下名種種界智謂能
了知彼界種種品類名種種界智如彼階陞有種種
層級也慧堂殿者如到究竟位智揔攝一切下名非
一界智謂若能了知十八界者名非一界智如彼堂

殿揔攝垣牆及階陛故非唯攝垣牆也 論復次言
善至等覺義故 演曰四釋四種善說等文中分二
初別釋四種後揔結四種初中分四一初二句顯文
義圓滿二次二句顯果圓滿三次三句顯行圓滿四
後一句顯師圓滿此初也 論言出離者至現等覺

瑜伽師地論義疏卷第二十四 第二十三張

素字号

故 演曰二次二句顯果圓滿 論無差別者至無
失壞故 演曰三次三句顯行圓滿具足四依者維
摩經第三卷云依於義不依語依於智不依識依了
義經不依不了義經依於法不依人所詮之理名之

爲義、憑之起行故說爲依能詮之教名之爲語雖依語得義然語非是義如因指見月得月亡指得理捨詮所以依義不依語也智能入理決斷解了所以須依識但分別起於染著棄捨不從故不依也顯實分明名了義經憑之取解故說爲依覆障之言名不了經棄而不從故曰不依託法起行名爲依法得法捨人名不依人問依法不依人者未知一切人不可依亦有可依耶荅可依人法相對以爲四句一法可依謂大乘法人不可依謂小乘人也二人可依謂大乘人即四依菩薩也法不可依謂小乘法三人法俱可

依謂大乘人法四人法俱不可依謂二乘人法也語
義相對亦作四句准前可知 論大師如來至善清
淨故 演曰四後一句顯師圓滿 論此中諸句至
顯師圓滿 演曰後摠結四種 論復次佛世至正
教授故 演曰五釋亦有因緣等有依者謂由四依
者即前四依也謂由三種所現神變者此論二十七
云謂由三種神變教授一神境神變二記說神變三
教誡神變由神境神變能現種種神通境界令他於
已生極尊重由彼於已生尊重故於屬耳聽瑜伽作
意極生恭敬由記說神變能尋求他心行差別由教

誠神變如根如行如所悟入爲說正法於所修行能
正教誠故三神變能攝諸相圓滿教授 論復次解
脫至無繫著故 演曰六釋施文中分二初開施爲

瑜伽師地論義演卷第三十四 第二十四張 素字號

六後合施爲三初中分二初正釋六施後結成六施
初中分六一無依施二廣大施三歡喜施四數數施
五田器施六攝受眷屬施此初也迴向涅槃者理實
亦迴向菩提文影略故於施果中無繫著者如慈悲
行施不求人天果報即是佛因故無垢稱經云清淨
布施是妙菩提不憚世間異熟果故 論常舒手者

懸重廣施故

演曰二廣大施

論樂棄捨者至無

追悔故

演曰三歡喜施

論祠祀施者至所施物

故

演曰四數數施

論捨圓滿者至而奉獻故

演曰五田器施

論於惠施中至而分布故

演曰

六攝受眷屬施

論如是一切至受眷屬施

演曰

後結成六施

論此中依止至布施而說

演曰後

合施爲三謂上六施不過三種一施品類謂初二句

二施時分謂次二句三施處所謂後二句

論復次

廣說至具戒等廣說

演曰七釋戒文中分二初舉

頌釋後長行釋此初也

論言尸羅者至憂感事故

演曰後長行釋文中分四一釋尸羅二釋其法三釋殺生四釋具戒此初也梵語尸羅此云清涼言律儀者律謂法或儀謂軌範唯彼善戒可法可軌故名律儀如說調伏亦調亦伏此亦如是亦律亦儀持業釋也謂是遠離惡法以爲自體相故無悔等者等彼遠離染污不樂憂感事故論復次善說至稱讚事故演曰二釋其法梵語毗奈耶此云調伏意顯律儀調伏六根皆令清淨故云調伏此言隨順一切煩惱滅者即是調伏六根令清淨義也故涅槃經第三云是菩薩衆本性清淨能調如上二部之衆悉令安住清

淨衆中是名護法無上大師善持律者爲欲調伏利

瑜伽師地論義海卷第三

身二十五

第

衆生故 論復次殺生至有尋有伺地中已說 演

曰三釋殺生如有尋有伺地中第八論云謂於他衆
生起殺欲樂起染污心若即於彼起殺方便及即於
彼殺究竟中所有身業乃至第十論云由幾種言說
道理說緣起耶謂略說由六種言說道理一由順次
第說二由逆次第說三由一分支說四由具分支說
五由黑品說六由白品說 論復次言具戒至如聲
聞地 演曰四釋具戒謂安住具戒等者二十一論

云云何戒律儀謂彼如是正出家已安住具戒堅牢
防護別解律儀軌則所行皆得圓滿於微小罪見大
怖畏受學一切所有學處是名戒律儀乃至廣說密
護根門等者聲聞地云云何根律儀謂即依此尸羅
律儀守護正念修常委念以念防心行平等位眼見
色已而不取相不取隨好恐依是處由不修習眼根
律儀防護而住其心漏泄所有貪憂惡不善法故即
於彼修律儀行防護眼根依於眼根修律儀行如是
行者耳聞聲已乃至意了法已而不取相乃至修律
儀行是名根律儀乃至廣說於食知量等者聲聞地

云云何於食知量謂彼如是守諸根已以正思擇食
於所食不爲倡蕩不爲憍逸不爲飾好不爲端嚴食
於所食然食所食爲身安住爲暫支持爲除飢渴爲
攝梵行爲斷故受爲令新受當不受生爲當存養力
樂無罪安隱而住如是名爲於食知量乃至廣說進
止往來等者聲聞地云云何正知而住謂彼如是常
勤修習恬寤瑜伽已若往若來正知而住持僧伽牒
反以衣鉢正知而住若食若飲若噉若嘗正知而住
若行若住若坐若卧正知而住於恬寤時正知而住

若語若默正知而住如解勞睡時正知而住是名正
知而住 論復次廣說至無量爲後 演曰八釋道
文中分二初舉頌摠列後長行別釋此初也 論爲
欲勤修至不捨善軌故 演曰後長行別釋文中分
二初略後廣初中分七一釋四念住文中分二初明
念住後明對治此初也然聲聞地二十八云四念住
者一身念住二受念住三心念住四法念住此中但
明四念住方便故說爲欲勤修四念住故發起上品
猛利欲等故彼此文亦不相違 論住熱光者至正
對治故 演曰後明對治文中分二初別明四治後

揔結勸修此初也如日之光能除昏闇修正勤者能
治懈怠餘文易知不勞更釋 論此中顯示至四種

對治 演日後揔結勸修 論復次於諸至如聲聞

地 演曰二釋正斷三釋四神足二文合也異者別

也正斷別名者聲聞地云四正斷者一於已生惡不

善法爲令斷故生欲策勵發勤精進策心持心正斷

二於未生惡不善法爲不生故生欲策勵發勤精進

策心持心正斷三於未生善法爲令生故生欲策勵

發勤精進策心持心正斷四於已生善法爲欲令住

令不忘失令修圓滿令倍修習令其增長令其廣大

生欲策勵發勤精進策心持心正斷四神足者一欲
三摩地斷行成就神足二勤三摩地斷行成就神足三
心三摩地斷行成就神足四觀三摩地斷行成就神足
如二十九釋 論復次於如來至如菩薩地 演曰

四釋五根五釋五力二文合也安立正信等者即安
立信等五根安住有勢力者即安住信等五力如菩
薩地者七十五云依信等根修加行道加行道中根
是下品力是上品准彼文說念斷神足在資糧位五
根五力在加行位覺支見道道支修道及究竟道

論復次簡擇至如聲聞地 演曰六釋七覺支文中

分二初揔標列後別牒釋此初也 論已得無漏至

名為擇法 演曰後別牒釋文中分二初番釋後番

釋初中分四一釋擇法二釋簡擇三釋最極簡擇四

釋極簡擇法此初也問准聲聞地說七覺支何故此

中但明擇法答擇法是慧正名覺支餘六眷屬亦覺

支也故聲聞地云諸已證入正性離生補特伽羅如

實覺慧用此為支故名覺支 論言簡擇者至苦聖

諦故 演曰二釋簡擇揔緣於苦也 論最極簡擇

至老苦等 演曰三釋最極簡擇別緣於苦也 論

極簡擇法至經等法故 演曰四極簡擇法文中分

二初牒釋後徵釋此初也 論所以者何 演曰後

徵釋文中分二初徵後釋此初也 論依止此故先

修所作 演曰後釋 論又簡擇者謂審定解了

演曰後番釋文中分二初釋簡擇等言後釋解了等

言初中分二初正釋後料簡初中分三一釋簡擇二

釋最極簡擇三釋極簡擇法此初也 論最極簡擇

至等解了 演曰二釋最極簡擇於一切法平等解

了故言等解了 論極簡擇法至近解了 演曰三

釋極簡擇法 論前是尋求道今是決定道 演曰

後料簡前二是尋思第三是如實智 論復有差別

演曰後釋解了等言文中分二初揔標後別釋此初也 論言解了者至作意發悟 演曰後別釋文中

分三一釋解了二釋等解了三釋近解了此初也

論等解了至方便尋求 演曰二釋等解了 論近

瑜伽師地論義演卷第三十四 第六張 素字号

解了者求已決定 演曰三釋近解了 論復次點

了者知分別體故 演曰七釋八支聖道文中分七

一正見文中有六一釋點了等文中分二初番釋後
番釋初中分二初釋點了後釋通達此初也此點了

已下至毗鉢舍那皆明正見點了者了知能緣體故
論通達者至所知事故 演曰後釋通達即通達知
所緣事故 論復有差別 演曰後番釋文中分二
初揔標後別釋此初也 論點了者了知自相故
演曰後別釋文中分二初釋點了後釋通達此初也
了知自相者即緣事智聲聞地云尋思其事及自相
故起事邊際覺 論通達者了知共相故 演曰後
釋通達了知共相者即如實智聲聞地云尋思共相
品時理故起如實覺 論審察者至倍增廣故 演
曰二釋審察 論聰散者至無忘失故 演曰三釋

聰散

論覺者至俱生之慧

演曰四釋覺

論明

者謂習所得慧

演曰五釋明文中分二初釋明體

後釋明用此初也

論慧行者至勤修習慧

演曰

後釋明用

論毗鉢舍那至審觀察故

演曰六釋

毗鉢舍那謂即於前所了別義審觀察者即正見也

論涉入者至心涉入故

演曰二正思惟文中分六

一釋涉入二釋納受三釋推尋等四釋聖教量五釋

現量六釋比量此初也

論納受者至能攝受故

演曰二釋納受

論推尋者謂取彼諸相故

演曰

三釋推尋等文中分二初番釋後番釋初中分二初

釋推尋後釋極推尋此初也 論極推尋者謂取彼
隨好故 演曰後釋極推尋 論復有差別 演曰
後番釋文中分二初揔標後別釋此初也 論推尋

瑜伽師地論義演卷第三十四 第二十九張 素字号

者謂尋求心 演曰後別釋文中分三一釋推尋二
釋極推尋三釋最極推尋此初也 論極推尋者謂
伺察心 演曰二釋極推尋 論最極推尋至極校
計故 演曰三釋最極推尋 論聖教爲依至說名
尋思 演曰四釋聖教量 論現量爲依說名思惟
演曰五釋現量 論比量爲依說名分別 演曰六

釋比量 論厭離者至起決定故 演曰三正語四

正業五正命三段文合分爲二初法後喻初法中分
五一釋厭離二釋遠離三釋隨轉離四釋還離五釋
寂止等此初也此中增上意樂於遠離中起決定者
如求受戒有三種思一審慮思二決定思三動發思
前二思意相應故作動意故說名意業第三思能動
身思說名身業能發語思說名語業此是第二決定
思也聲聞地云若遠離攝正語業命彼於證得無漏
作意諸覺支時先已獲得 論遠離者至受遠離故
演曰二釋遠離此即第三思如到師前以身禮拜即

動身思發言求戒即發語思 論隨離者至彼尸羅
故 演曰三釋隨離尸羅者即聖所愛戒問何故此
名聖所愛戒答二十九云以諸聖者賢善正至長時
愛樂忻慕悅意我於何時當正獲得諸語惡行諸身
惡行諸邪命事不作律儀由彼長夜於此尸羅深心
愛樂忻慕悅意故獲得時名聖所愛獲得如是聖愛
戒已終不正知而說妄語終不故思害衆生命終不
故思不與而取終不故思行欲邪行終不非法求衣
服等即由如是聖所愛戒增上力故於修道時乃至
所有語業身業養命事轉亦得名爲正語業命 論

還離者至而悔除故 演曰四釋還離 論從此已

瑜伽師地論義演卷第三十四 第三十張 素字号

後至隨護尸羅 演曰五釋寂止等文中分二初摠

標列後別牒釋此初也 論寂止者至果和事故

演曰後牒釋文中分三一釋寂止二釋律儀三釋密

護此初也 論律儀者至慈心等故 演曰二釋律

儀 論密護根門至而現行故 演曰三釋密護

論橋梁者至惡法故 演曰後喻文中分二初喻橋

梁後喻舩筏此初也 論舩筏者至障礙法故 演

曰後喻舩筏 論不喜樂者至極滿足故 演曰六

正精進文中分三一釋不喜樂二釋不違越三釋不
異違越此初也謂於惡法不生喜樂遠離增上意樂
滿足發勤精進 論不違越者至不棄捨故 演曰
二釋不違越謂於一切所學戒中無毀犯故不捨戒
故發勤精進 論不異違越至不棄捨故 演曰三
釋不異違越謂於一分無穿穴故不捨戒故發勤精
進 論所言念者至住其心故 演曰七正念 論
如是廣說至當知其相 演曰後廣九種心住者三
十云一內住所緣心二等住微細心三安住內界心
四親近念住心五調柔順伏心六捨妄證寂心七最

極寂靜心八專注無間心九等持相續心此九住中
前八爲方便第九爲定此即八支聖道中第八正定
其正見等七前略中已說 論復次喩枕至我作等
演曰二釋智等十五門文中分二初舉頌標列後長
行解釋此初也 論智者謂聞至說爲先慧 演曰
後長行解釋文分十五一釋智二釋宣說三釋善四
釋欲五釋熾然六釋獨七釋遠塵八釋如病等九釋
解釋十釋我十一釋斷十二釋盡生等十三釋并天
世衆生十四釋依等十五釋我作等初中分二初番

釋後番釋此初也對法第一云隨所見聞覺知之義起諸言說見聞覺知義者眼所受是見義耳所受是聞義自然思構應如是如是是覺義自內所受是知義諸言說者謂詮釋義 論智者謂知至非緣他智

演曰後番釋

論復次宣說至無所隱覆

演曰二

釋宣說拳者握也言不作師拳謂不握恡法也又師之匠物不拳之執握恡而不說又詩傳云力也而不作師之力勢力勢謂即刑勢力者也 論復次初善至如理思惟 演曰三釋善純一等者即等彼第二圓滿第三清淨第四鮮白也 論復次猛利至教授教

誠 演曰四釋欲 論復次能熾至修習對治 演
曰五釋熾然 論復次獨者至安隱處故 演曰六
釋獨 論復次遠塵至遠塵離垢 演曰七釋遠塵
文中分二初釋遠塵後釋諸法等初中分二初番釋
後番釋此初也塵謂已生使擇分智未得究竟無漏
智於此位中我慢能障見道現觀垢謂我慢及餘見
斷二品種子今永無故名遠塵離垢 論又復塵者
至所有麤重 演曰後番釋又俱生我慢及見所斷
一切煩惱現行名塵彼二品種名垢即超越人也
論於諸法中至所住法中 演曰後釋諸法等文分

十三一釋諸法二釋法眼三釋見法四釋得法五釋
知法六釋至誠法七釋越渡惑八釋越渡疑九釋非
緣於他十釋非餘所引十一釋得無所畏十二釋逆
流十三釋趣向此初也 論言法眼者至唯有法慧
演曰二釋法眼既遣實我唯有見法之慧名爲法眼
論言見法者至如實見故 演曰三釋見法於苦等
者等集滅道故八十六云得法眼時於四聖諦已善

瑜伽師地論義演卷第三十四 第卅二張 素字号

見故說名見法 論言得法者至沙門果故 演曰
四釋得法謂隨獲一種沙門果故名隨證得沙門果

也 論言知法者至還墮法故 演曰五釋知法無
還墮者無還墮於三惡趣也故八十六云我今已盡
所有那落迦傍生餓鬼我證預流 論至誠法者至
如實至誠故 演曰六釋至誠法 論越渡惑者謂
於自所證 演曰七釋越渡惑對法第九云越度一
切希望者由諸忍智出世間道證得長夜所希聖果
於自所證無希慮故 論越渡疑者謂於他所證
演曰八釋越渡疑對法云越渡一切疑惑者於此位
中於他所證無有猶豫謂餘亦能證此勝位故 論
非緣於他至聽聞等故 演曰九釋非緣於他對法

云不假他緣者於所修道中雖無他導引自然善巧
故 論非餘所引至所引棄故 演曰十釋非餘所
引對法云於大師教餘不能引者於佛聖教已得證
淨雖轉餘生不爲邪道所化引故 論於諸法中至
無悚懼故 演曰十一釋得無所畏對法云於諸法
中得無所畏者於依所證問記法中如惡欲增上慢
者怯劣心永無有故 論言逆流者謂已登聖道故
演曰十二釋逆流流者謂生死流此逆生死說名逆
流此依古解順今釋者名爲預流預者言入流謂流
類入聖之類故名預流 論言趣向者至二種法故

演曰十三釋趣向謂從生死世俗趣向勝義涅槃故
云建立世俗勝義二種法故 論復次乃至廣說
演曰八釋如病等文中分二初標後釋此初也 論
云何顯示至乃至廣說 演曰後釋分二初問後答
此初問云云何顯示彼生身如病等非者不也不但
說彼生身猶如重病更說無常行等有何意耶乃至
廣說者即乃至廣說無常行等也 論然修行者至
觀察彼果 演曰後答分二初揔答後別釋此初也
於彼事者指彼生身名爲彼事此答意云然說生身

如病等復如無常等者謂修行者先以如實無常等
行於彼生身如實訶毀作是思惟此生身如病等甚
可厭逆爲欲與彼病等無常等不和合故是故說生
身猶如病等次更說無常行等令修行者如實顯示
觀察彼苦果身也 論言無常者至非緣他智故

演曰後別釋文中分四一釋無常二釋苦三釋空四
釋無我此初也現見無常名非不現見緣自身智名
非緣他智 論所言苦者至如其所應 演曰二釋
苦文中分二初揔標列後別解釋此初也 論由見
生身至悟入苦性 演曰後別解釋文中分二初釋

生等諸苦後釋諸所有受皆說爲苦此初也謂由見
身生已復死死已復生因此知身以生死爲性故云
悟入苦性 論云何至皆說爲苦 演曰後釋諸所
有受皆說爲苦文中分二初徵後釋此初也 論謂
諸樂受變壞故苦 演曰後釋分三初番釋中番釋
後番釋初中分三一釋樂受二釋苦受三非苦樂受
此初也 論一切苦受生住故苦 演曰二釋苦受
論非苦樂受至說之爲苦 演曰三釋非苦樂受
論此中樂受至必有變壞 演曰中番釋文分爲三
一釋樂受二釋苦受三釋非苦樂受此初也 論一

切苦受至皆起於苦 演曰二釋苦受 論非苦樂
受至亦名爲苦 演曰三釋非苦樂受過去名已滅
現在名已生問捨受既非苦樂何故亦說爲苦答此
非苦樂受體是滅壞之法彼苦樂二所隨逐故與二
相應故亦名爲苦 論云何當觀樂受爲苦 演曰
後番釋文中分三一釋樂受二釋苦受三釋非苦樂
受初中分三一徵二釋三結此初也 論謂由此受
至能生壞苦 演曰二釋於現法中能生失樂受緣
即生憂惱故生壞苦 論如是當觀樂受爲苦 演

瑜伽師地論義演義第三十四第五張

素字号

曰三結 論云何當觀苦受如箭 演曰二釋苦受

文中分二初徵後釋此初也 論謂如毒箭至常惱

壞故 演曰後釋 論非苦樂受至苦樂二種 演

曰三釋非苦樂受 論所言空者至真實法故 演

曰三釋空 論言無我者至不自在故 演曰四釋

無我 論復次解釋至彼果涅槃 演曰九釋解釋

論復次我者至所有法故 演曰十釋我此有八名

一我我所見現前行故舉有能緣以顯所緣我體是

有二有情謂諸賢聖如實了知唯有此性更無餘法

又復於彼有愛著故情者性也初摠談說彼有情之

義無體可顯即五根等皆名有情此即是我唯有此
性無餘法故後解以愛爲情能生我愛說名有情於
彼法性生愛著故若無有情誰情所愛三意生是意
種類有能思量勝作用故顯是意類故名意生四摩
納縛迦依止於意或高或下故若摠釋義此名儒童
儒者美好義童是少年義美好少年名曰儒童若別
釋義摩納是高義高慢他故縛迦是下義卑下他故
以依止意或陵慢他或卑下他名摩納縛迦五養育
者謂能增長後有業故能作一切士夫用故初養未
來後長現在六補特伽羅謂能數數往取諸趣無厭

足故諸賢聖等亦名此者從未得道舊身說故七命

瑜伽師地論義演卷第三十四 第三十五張

素字号

者謂壽和合現存活故壽命是別者是摠也摠者與別下和合現存活故名爲命者八生者謂具生等所有法故如第十論已釋 論復次當斷至作苦邊際

演曰十一釋斷永斷三結者一身見二或取三疑

論復次我生至亦永盡故 演曰十二釋盡生等文中分二初番釋後番釋此初也此中有四一我生已盡二梵行已立三所作已辦四不受後有初二通四果後二唯羅漢謂第八有等者見斷煩惱離八有生

謂感生之惑分限有窮但至七生而無後也謂於七
有者一那落迦二傍生三餓鬼四人五天有六業有
七中有如第十論說 論又我生已至謂阿羅漢
演日後番釋文中分二初正辯四種後摠結釋成此
初也 論當知此中至解了行相 演日後摠結釋
成記別我生等四種爲他演說令解了行相也 論
復次至二并梵 演日十三釋并天世衆生文中分
二初正釋後通妨初中分爲十四段一釋并天世間
二釋并沙門婆羅門衆生三釋并諸天人衆生四釋
毗奈耶等五釋離繫六釋解脫七釋離顛倒八釋多

字九釋利益十釋安樂十一釋哀愍十二釋利益安樂十三釋人十四釋因佛出世說法利益此初也

論并沙門至而修行者 演曰二釋并沙門婆羅門

衆生 論并諸天人至出離欲貪 演曰三釋并諸

天人衆生解脫三縛者即解脫貪瞋癡三縛也故第

八云三縛謂貪瞋癡 論又毗柰耶斷超越者 演

曰四釋毗柰耶等文中分二初揔標後別釋此初也

論毗柰耶至果作意 演曰後別釋 論言離繫者

離九結故 演曰五釋離繫九結者第八論云一愛

結二恚結三慢結四無明結五見結六取結七疑結
八嫉結九慳結能和合苦故名爲結離斯九結立離
繫名 論言解脫者至生老等故 演曰六釋解脫
論離顛倒者由見道故 演曰七釋離顛倒 論所
言多者至說名爲多 演曰八釋多字 論言利益
者謂諸善行 演曰九釋利益 論言安樂者無損
惱行 演曰十釋安樂 論言哀愍者至無有罪故
演曰十一釋哀愍 論爲利益至無損惱行 演曰
十二釋利益安樂 論所言人者謂刹帝利等 演
曰十三釋人 論若有因佛至利益安樂 演曰十

四釋因佛出世說法利益 論此中唯說至修正行

故 演日後通妨 論復次至及妻子等 演日十

四釋依等文中分二初釋依等後釋身器初中分二

初別釋後摠結初中分四一釋依二釋取三釋心依

處四釋執著此初也妻子等者等奴婢等故第二論

云一自父母事二妻子事三奴婢僕使事四芻友官

僚兄弟眷屬事五田宅邸肆事六福業事及方便作

業事七庫藏事 論所言取者至說有四取 演日

二釋取由不安立及安立者諸在家者不立後三取

立第一取諸出家者不立第一取立後三取故對法

第七云取有四種謂欲取見取戒禁取我語取執取
諍根執取後有是取義所以者何由貪著欲繫縛耽
染爲因諸在家者更相鬪諍此諍根本是第一取由
貪著見繫縛耽染爲因諸出家者更相鬪諍此諍根
本是後三取六十二見是見取各別禁戒多分苦行
是戒禁取彼所依止薩迦耶見是我語取由見取戒
禁取諸外道輩更相諍論以於是處見不一故由我
語取諸外道輩牙無諍論於我有性皆同見故然由
此取諸外道等與正法者牙有諍論由彼不信有無

我故如是執著諍論根本復能引取後有苦異熟故名爲取如八十九廣說 論心依處者謂四識住

演曰三釋心依處四識住者一色趣識住二受趣識住三想趣識住四行趣識住如五十論說 論言執著至說名隨眠 演曰四釋執著現行煩惱能趣向彼父母妻子等依即名爲纏彼品種子說名隨眠 論如是名依至執著隨眠 演曰後結以名之一字貫下三處如是名依名取名心依處名執著隨眠 論於此有識至境界相中 演曰後釋身器謂此有識身中有本識種子能與我慢等爲因緣及爲境界

緣前念種子望後念種子爲同類因是故識身與隨
眠爲因緣外一切相器世界等但無我見慢等爲境
界緣復由緣彼外器世界等熏成種子故外器等望
彼隨眠名爲遠境界緣 論復次我我至隨眠通二
演曰十五釋我作等我慢執著多分是外道我慢種
子通内外道 論復次至空無常無餘 演曰三釋
如來等十門文中分二初舉頌標列後長行牒釋此
初也 論如來至如經分別 演曰後長行牒釋文
中分十一釋如來二釋無常想三釋底沙四釋怖五
釋無爲六釋不有七釋不相續八釋空九釋無常十

釋無餘初中分二初別釋後揔釋初中分二初牒指經說後次第解釋此初也後次第解釋文中分十一釋如來二釋應三釋正等覺四釋明行圓滿五釋善逝六釋世間解七釋無上丈夫調御士八釋天人師九釋佛十釋薄伽梵此初釋如來者於標文即有別

瑜伽師地論義演卷第三十四 第三十八張 素字号

釋中無然准下揔釋中云如來是初揔序即是下九号之揔序也涅槃經第十八云如過去諸佛所說經法六波羅蜜三十七品十一空等來至菩提故言如來且今釋迦如過去諸佛依諸教法修六度等行觀

十一空等理來至菩提果故言如來即報身佛般若
云如來者無所從來亦無所去故名如來即法身佛
成實論云乘如實道來成正覺故名如來 論所言
應者應供養故 演曰二釋應下揔釋云應永解脫
一切煩惱障成唯識第三云阿羅漢者通攝三乘無
學果位皆已永害煩惱賊故應受世間妙供養故永
不復受分段生故此中但取初二義名阿羅漢是共
德三釋正等覺亦是標文即有別釋中無准下揔釋
中云永斷所知障名爲正等覺是不共德舊云正遍
知即正覺等覺正覺如次簡外道小乘菩薩三種

論明行圓滿至後是住行 演曰四釋明行圓滿文

中分三一標二釋三結此初也三明者一宿住隨念
智明二生死智明三漏盡智明四種增上者謂四種
禪定增上心現法樂住皆圓滿也前是行行者前說
遮行行行皆名行行後是住行者四禪現法樂住皆
名住行 論此中清淨至是遮圓滿 演曰二釋此
中清淨身語等是行行密護根門等是遮行此二行
及明皆悉圓滿 論由此二種至遮自苦行 演曰
三結此中由不造過者三業清淨故即三不護密護
根門故無忘失法得世閒靜慮現法樂住遮自苦行

也 論言善逝者至二功德故 演曰五釋善逝逝者往也謂成菩提已於生死長夜具一切種二利功德善事往矣故名善逝 論世間解至皆善知故

瑜伽師地論義演卷第三十四 第廿九張 素字弓

演曰六釋世間解由善悟入至行差別故者即知三際衆生心行差別也於器世間乃至成壞皆善了知故自性果也因緣因也此爲揔句餘四四諦如次配之 論無上丈夫至極尊勝故 演曰七釋無上丈夫調御士舊云無上士調御丈夫智無等故無過上故名無上士於現法中佛身具相好是大丈夫又多

分調御無量丈夫最第一故極尊勝故由此後釋舊
云無上士調御丈夫 論天人師至有力能故 演
曰八釋天人師以彼天人解甚深義勤修正行有力
能故餘趣不能故不稱師 論言佛陁者至三菩提
故 演曰九釋佛謂畢竟斷一切煩惱所知并諸習
氣現等正覺證得無上正等覺故即具二智覺自他
也 論薄伽梵至大勢力故 演曰十釋薄伽梵舊
云世尊坦然安坐妙喜提座任運摧滅一切魔軍大
勢力故即破四魔如佛地論頌云
自在熾盛與端嚴 名稱吉祥及尊貴

具足如是諸六義 應知揔名爲薄伽

薄伽者聲也梵謂具德若有爲此薄伽聲自能破四
魔必具六德一自在義永不繫屬諸煩惱故二熾盛
義炎猛智火所燒鍊故三端嚴義三十二相等所莊
嚴故四名稱義佛之勝名無不知故五吉祥義恒起
方便利有情故六尊貴義世出世間咸尊重故若言
世尊闕前五義 論此中如來至是不共德 演曰
後揔釋及所知障已下皆名不共德 論復次至乃
至廣說 演曰二釋無常想文中分二初指經揔標
後依標別釋此初也 論此中若修至餘作意故

演曰後依標別釋文中分四一明修二明修果三明

瑜伽師地論義演卷第三十四 第四十張 素字号

修差別四明修方便初中分二初正釋其修後兼釋
處等初中分二初番釋後番釋此初也 論又若修
者至熟修習故 演曰後番釋 論爲處者至意思

唯故 演曰後兼釋處等文中分二初單釋處等六
句後重釋五六二句此初也 論又善攝受至無間

作意故 演曰後重釋五六二句文中分二初番釋

後番釋此初也 論又善攝受至正加行故 演曰

後番釋 論隨順欲貪至觀無常故 演曰二明修

果害隨眠者害種子也即以煩惱種子爲根本現行
爲枝條下地善法由彼煩惱斷滅不增長故以無常
想所緣境顯示能緣無常想自心作意觀無常故即
所觀無常名爲修果 論臺閣者至謂所餘想 演
曰三明修差別喻中以臺閣爲果梁棟爲臺閣依因
法中以解脫爲果如臺閣修習之智爲解脫依因如
梁棟無學無常想大如輪王除無學外所餘無常想
小如城王 論又或居至正修加行 演曰四修方
便 論復次至二種道等 演曰三釋底沙文中分
二初揔標舉數後依標別釋此初也等者等其修障

二字具足應云二種修道障也 論謂由疑故不能

發趣 演曰後依標別釋文中分二初明四種趣道

障後明二種修道障初中分四一疑二邪尋思三邪

分尋思見行四忿此初也謂由疑故不能發心趣向

聖道故說爲障 論雖復發趣至而往餘處 演曰

二邪尋思雖復發趣由邪尋思而往邪道處旣背正

道故說爲障 論由邪分尋思至教授教誡 演曰

三邪分尋思見行此雖無疑亦不往邪道處然由邪

少分尋思邪少分見行不任師友正教授教誡故說

爲障 論所言忿者謂他諫諍時 演曰四忿謂他
諫時而起諍競故亦不能趣於聖道說之爲障 論
言苦惱者至麤弊行等 演曰後明二種修道障文
中分二初番釋後番釋初中分二初法後喻初中分
二初釋苦惱後釋不樂此初也 論言不樂者雜瞋
事故 演曰後釋不樂 論此之二種猶如坑澗
演曰後喻 論又此二種能障行路 演曰後番釋
文中分二初標後釋此初也 論雖無是事至能爲
障礙 演曰後釋分二初明貪著利養恭敬不入山
林障後明處深稠林不捨利養恭敬障此初也雖無

麤弊行及雜瞋事而由利養恭敬不入山林進修聖
道故說爲障 論言猛利者至能捨此故 演曰後
明處深稠林不捨利養恭敬障謂處深稠林雖捨父
母妻子等七攝受事而不能捨利養恭敬故說爲障
論復次言有怖至不平正故 演曰四釋怖文中分
三一釋有怖等二釋弊趣等三釋失道等初中分二
初釋怖等五後結顯道過此初也 論如是五種顯
道過失 演曰後結顯道過 論弊趣惡趣者顯示
趣過失 演曰二釋弊趣等 論失道惡道至名不
善一 演曰三釋失道等 論復次無動至皆寂滅

故 演曰五釋無爲謂無動等即是無爲異名故此
名爲攝異門分 論復次我何至受不生故 演曰
六釋不有文中分二初辯二世境異後明二世觀別
初中分二初辯未來世我我所不有後明現在世我
我所不有此初也有二復次釋如文易知 論我當
不有至現在世說 演曰後明現在世我我所不有
論此觀無常至無常性故 演曰後明二世觀別有
二番釋尋之可解 論復次不相續至皆止息故
演曰七釋不相續 論復次所言至無餘依故 演

日八釋空謂餘煩惱斷者謂有餘依涅槃謂無餘依者謂無餘依涅槃 論復次言無常至有出離故

演曰九釋無常謂一分盡者謂三世中過去一分盡故有沒法者謂全分滅者三世俱沒名全分滅又有盡法者謂全分滅者謂三世法已盡當盡今盡名全分滅沒法者謂相續變壞者此說相續前言全滅故二沒各異無重言失 論復次無餘斷者謂是摠句演曰十釋無餘文中分三一摠二別三結此初也 論永棄捨至由修道故 演曰二別 論當知此中至顯無餘斷 演曰三結

四十三第卷演義論地師伽瑜

瑜伽師地論義演卷第三十四

張氏畢氏文同施刀經布定